



BILTEN UDRUŽENJA GRAĐANA TUZAMK TUZLA

**TUZAMK**

Tuzla, august 2017. # 6

## 21. Saobraćajno obrazovno takmičenje Bosne i Hercegovine - Kladanj - Olov

Završnica ovogodišnjeg saobraćajno obrazovnog takmičenje realizovala se po programu u dva grada i to teoretski dio obavljen je u Kladnju, a praktična vožnja u Olovu. Pomjeranje završnog datum takmičenja u maj mjesec donekle je i bio dobar potez obzirom na kraj školske godine i obaveze djece da prisustvuju raznim takmičnjima, ali i potrebe za boljim i kvalitetnijim pripremama za dalje takmičenje. Organizator državnog

takmičenja bio je BIHAMK, a ne-posredan realizator Auto moto klub iz Kladnja. Program je osim takmičarskog dijela obuhvatao nakon obavljenog teoretskog takmičenja i izlet na Konjuh - programska šema koja se provodi u posljednjih nekoliko godina i koja ima svoje značenje u smislu druženja djece kroz takmičenje i igru. Ekipu Tuzlanskog kantona činilo je deset takmičara od ukupno šezdeset, te je ovo bila i najmasovni-






ja ekipa. Postignut je izuzetno dobar rezultat, koji je obzirom na način organizacije lokalnih takmičenja koje provodi Tuzmak bio i očekivan. Tako je u kategoriji djevojčica **Amra Muratović** zauzela prvo mjesto, dok je **Narcisa Kišić** bila treća. Azra Hamidović je zauzela deseto mjesto, Azra Vehabović dvanaesto, a Šejla Šerifović šesnaesto. U kategoriji dječaka **Almin Bijelić** zauzeo je drugo mjesto, **Al-din Alikadić** treće, dok je Hamza Žilić bio sedmi, Osman Selimović trinaesti, a Said Vikalo petnaesti.

Nagrade i diplome najboljima dodijelio je predsjednik BIHAMK-a dr.Ivo Komšić. Za dalje takmičenje odnosno razigravanje i formiranje ekipe za Evropsko takmičenje plasiralo se četvero takmičara i to **Amra Muratović iz Podorašja, Narcisa Kišić iz Džakula, Armin Bijelić iz Poljica i Aldin Alikadić iz Kladnja**. Vođa ekipe je bio Amir Bešlagić sudija državnog ranga iz Tuzamka, a trener profesor Fuad Kavazović iz OŠ Rapatnica (Srebrenik).

## Izložba fotografija "Saobraćajna nekultura"

Tradicionalna izložba fotografija "Saobraćajna nekultura" okupila je ove godine 172 autora, učenika osnovnih i srednjih škola, sa preko 500 fotografija. Izložba je bila postavljena u Galeriji fotografija Foto kino kluba Tuzla, a izloženo je 80 fotografija od 47 autora, od čega su 20 fotografija činile fotografije koje su bile nagrađivane na dosadašnjim konkursima.

Izložbu je otvorio novinar i književnik Zlatko Dukić koji je između osatalog istakao : "Nije potrebna nijedna, a kamoli na desetine fotografija – da bismo se zorno uvjerili u to koliki je nivo saobraćajne nekulture u nas i u uslovima kojih sve opasnosti i rizika živimo, kad god izademo iz kuće i kad koračamo ulicama naših gardova i čaršija, koje vole da se zovu gradovima.



Takođe, nije potrebno ni da se o tome posebno govorи, da se na to skreće pažnja, da bismo stalno morali misliti – jer se to ne smijemo zaboraviti! – da su u saobraćaju, najčešće za volanom, a i u vidu pješaka, zalutali i neki koje je, na prosto, krajnje opasno dovesti u poziciju da odlučuju o svojim i tuđim životima.

Ali, ako sve to većini nas i nije potrebno, iako je svima korisno i vrije-



Asmir Džekić - Živinice

dno, ne može se ne kazati da je potez s raspisivanjem javnog konkursa za učenike osnovnih i srednjih škola – da djeca fotografijom ovjekovječe i dokažu saobraćajnu nekulturu u nas – vrijedan svake pažnje i pohvale.

Sjedne strane, to je korak naprijed u vaspitnom oplemenjivanju pripreme naše djece za ono što ih, danas ili sutra, očekuje kao indirektne ili posredne učesnike u saobraćaju. Asocijacija umjetničke fotografije naše zemlje, sa svojim članicama – poput Foto-kino kluba Tuzla i Tuzamk-a, tako, dakle, ima i vaspitnu funkciju, preuzimajući na sebe ono što je, zapravo, popunjavanje velike praznine, koja zjapi u našem obrazovnom sistemu, a u kojoj vaspitanje djece i njihova priprema za saobraćajni haos u kojem živimo, još nije dovoljno prisutno, vrednovano i naglašeno."

Nagrade su dobili; prva nagrada **Mak Pehar** iz KŠC Sveti Franjo iz Tuzle, druga nagrada **Asmir Džekić** iz MSŠ Živinice i treća **Mersida Ikanović** iz MSŠ Teočak.



Mak Pehar - Tuzla

## 2. karting trka Bingo karting kupa 2017



Početkom jula na karting stazi KK Živinice, a u organizaciji TUZAMK Tuzla vožena druga trka KARTING KUP-a BINGO 2017. Velika vrućina i užareni asfalt nisu spriječili naše najmlađe vozače da pokažu svoje vozačke sposobnosti u ovom sportu, ali su se negativno odrazili na tehničke karakteristike karting vozila. Trka je vožena u propisane tri klase SAMS BiH. Najviše sportskog adrenalina su pokazali vozači klase 1A . Ovu klasu voze vozači od 7-10 godina isključivo sa motorima Comer 60 ccm, a poredak je sljedeći: prvo mjesto Malik Brčaninović KK ŽIVINICE, drugo mjesto Melina Tučić TUZAMK, treće mjesto Adin Ferizović KK ŽIVINICE. U drugoj klasi vozači od 10-14 godina vozili su trku sa malo jačim motorima marke Comer 80 ccm a poredak je bio sljedeći: prvo mjesto Muhamed Bureković, drugo

Sandro Tešanović, a treće Amir Ajdaslić. Treća klasa ICA 100 Junior je ujedno i najjača klasa trke jer je namijenjena za vozače od 12-16 godina i vozila su sa motorima 100 ccm, a završena sljedećim poretkom: prvo mjesto Sandro Tešanović, drugo mjesto Muhamed Bureković i treći je bio Amir Ajdaslić. Svim takmičarima trke uručene su i diplome za učešće, a pobjednicima medalje TUZAMK-a. Medalja najmlađi takmičar dodijeljena je Ameru Sirovini članu TUZAMKA, medalja fer-plej vozač je dodijeljena takođe mladom članu TUZAMK-a Vedadu Bekiću, a medalju za najbrži krug dodijeljena je Maliku Brčaninoviću članu KK ŽIVINICE. Zahvalnice za doprinos u organizaciji druge karting trke Karting kupa BINGO 2017 uručene su KK ŽIVINICE, Enveru Nišiću i Almiru Bajriću.



PRESS RELEASE UDRUŽENJA GRAĐANA TUZAMK TUZLA. TEKSTOVE I  
FOTOGRAFIJE URADILI ČLANOVI SEKCIIA UDRUŽENJA.  
ŠTAMPA : SOREL TUZLA